

新手段云。中國須建造該路。由列強分籌資款。其款息由中國確保。其路政由列強監查等語。如此。則列強沾利甚多。決無異議。雖美國表同情於中國。然因錦愛與張恰路問題之故。必不與列強抗爭。而因該問題受害者。惟中國而已。

東報又言。俄國改築張恰路線之意。其主張極強硬。有達目的不止之勢。日本政府早已接有此項公電云。

又言俄國此議在中國實有大不利者在。即俄國可依該路爲直入中國之捷徑。蒙古大沙漠之邊防。歷來可恃爲無上之保障者。此路之計畫若成。直已與籬籬盡撤無異。萬一不幸。俄國可利用此路爲壓迫中國之利器。亦未可測。故就極東之利害觀之。此路實有非常重大之關係。望中國人切勿輕於看過也。

又言更觀美國之極東政策。最近亦已豁然變計。即（一）放棄滿洲鐵路投資之希望。（二）變錦愛線爲錦州齊齊哈爾線。（三）對於此次俄國之提議。美國能表同意與否。

現尙未決。然錦愛線之計畫。已全歸失敗矣。

追記裁撤延吉邊防督防事

延吉自間島問題發生。始舉辦邊防。迄今數年。前後用款將及四百萬兩。去冬因吳督辦與吉撫互爭權限。爲陳撫軍所揭參。而東督錫制軍亦以庫款支絀。間島交涉。既經了結。尤力主張撤去邊防督辦。又以吉林東南路兵備道。本有整飭琿春延吉綏芬等處邊防。兼管琿春延吉等處關稅交涉事宜之專責。若將邊防督辦撤去。所有行政。即應盡歸東南路兵備道接辦。既每年可省六七十萬之鉅款。而邊務亦不至廢弛。屢次電商政府。本年正月初四日。復會同吉撫具奏。請將延邊督辦邊務一差。即予裁撤。所有邊防事宜。責令東南路道隨時稟商妥辦。十二日。奉到硃批照准。其將來應行如何添紮軍隊以重防務之處。仍著該督撫會商奏聞。欽此。

政府奉旨後。一面電調吳督辦回京。一面電令東督飭東南兵備道郭觀察宗熙馳赴延吉。接管邊防一切事宜。

記載第三 中國時事彙錄

正月二十四日。吳督辦將邊防各事交代清楚。所有邊務各局所。一律裁併。每局選留一二員。管理經手案卷。歸入道署。屯田營憲兵隊。全行遣散。邊防巡警。在延吉附近者。改爲地方巡警。歸延吉府陶守管理。六道溝等處巡警。均改爲商埠巡警。餘均裁撤。

當道又以邊務既經裁撤。郭道所應管者。係地方行政事宜。其駐延軍隊。嗣後自應歸督撫節制。但兵權遙隸。調遣難期迅速。邊防重要。應札派郭道兼充吉林兵備處幫辦。俾可隨時妥籌布置。至邊務關防。應即撤銷。以清界限。

前六道溝商埠日人。因放氣槍聚賭。擊傷巡警一案。吳督辦接到政府裁撤邊防之電。即將就了結。日領允永遠禁止日人以氣槍聚賭。並將滋事之日人。驅逐回國。吳亦將商埠巡警分局局長王某調充他差。以爲辦理不善者戒。

東三省禁米出口之交涉

東三省前因連年歉收。議將米糧禁止外運。業經出示宣布。詎日俄商人起而運動本國領事。盡力反對。因之大費

五十四

三月

週折。特爲敘錄如下。亦外交困難之一端也。

日本領事經華官屢次照會禁糧出口後。日久始備文答覆。允表同情。謂貴國連年五穀歉收。禁糧出境。爲保全民食起見。核與約章相合。已飭本國人凡在華歷正月十六日前購買之糧。一律先行稟知。照會貴國交涉局。發給執照。准其出境。逾期概行嚴禁。以敦兩國睦誼。

外務部電致東督錫制軍。略言接俄使面交節略。聲稱接本國外務部電。俄商因中國新年。按照所訂期限。實形太促。運往哈爾濱備用之糧石。不能完竣。且哈埠所存糧食。僅敷兩月之用。中國應弛禁以符約章。若各處實有年荒之虞。則一應將麥子一項弛禁。准俄商運往哈埠。以供磨麪。二應將俄商在未預指明及未定期限各地所購糧食。補其虧者。三應准俄商將未禁以前所購糧食運出。無定期限在他處所購糧食。運往哈埠。經過禁地。不得攔阻等語。此事俄日俱注意在小麥一項弛禁。俄國外部電開四節。可准與否。希速酌辦。云云。